



BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
GRAD ZENICA

PRAVILNIK

o dodjeli jednokratne pomoći za svako novorođeno dijete na području grada Zenica

mart, 2021. godine

Na osnovu člana 11. i 152. Zakona o socijalnoj zaštiti, zaštiti civilnih žrtava rata i zaštiti porodice sa djecom ("Službene novine Zeničko-dobojskog kantona" broj: 13/07, 13/11, 3/15 i 2/16) i člana 11., 34. i 117. Statuta Grada Zenica („Službene novine Grada Zenica“ broj: 05/15), Gradonačelnik donosi:

PRAVILNIK

o dodjeli jednokratne pomoći za svako novorođeno dijete na području grada Zenica

Član 1.

Ovim Pravilnikom utvrđuje se pravo na jednokratnu pomoć za svako novorođeno dijete, njena visina, postupak i način ostvarivanja prava, način finansiranja i druga pitanja od značaja za priznavanje prava.

Član 2.

Sredstva utvrđena na ekonomskom kodu 614200 - 122, Transferi pojedincima - naknada za svako novorođeno dijete, raspoređuje Gradonačelnik zaključkom na prijedlog Službe za boračko-invalidsku i socijalnu zaštitu, stambene poslove i društvene djelatnosti u skladu sa utvrđenim kriterijima, a na osnovu podnesenih zahtjeva putem Protokola Grada Zenica.

Član 3.

Pravo na jednokratnu pomoć za svako novorođeno dijete u iznosu od 230,00 KM (dvije stotine i trideset konvertibilnih maraka) priznaje se :

- a) ukoliko jedan od roditelja djeteta ima prijavljeno prebivalište na području grada Zenica i to u trajanju od najmanje dvije godinu do raspisivanja javnog poziva,
- b) za svako dijete koje je rođeno od 01.01.2021. godine do 31.12.2021.godine

Član 4.

Podnosioci zahtjeva koji ispunjavaju kriterije za ostvarivanje prava prilikom podnošenja zahtjeva na propisanom obrascu dužni su dostaviti sljedeću dokumentaciju:

- a) Prijava prebivališta za oba roditelja i novorođeno dijete (CIPS);
- b) Ovjerena izjava jednog roditelja da ima prebivalište na području grada Zenica najmanje dvije godine do raspisivanja javnog poziva ;
- c) Izvod iz matične knjige rođenih za dijete;
- d) Potvrda o otvorenom tekućem računu iz banke za roditelja-podnosioca zahtjeva;

Član 5.

Novčana pomoć se dodjeljuje na osnovu podnesenog zahtjeva i po redosljedu zaprimljenih zahtjeva a finansira iz Budžeta za tekuću godinu. Podnesene zahtjeve će razmatrati Komisija koju imenuje Rukovodilac nadležne Službe. Sredstva se dodjeljuju Zaključkom Gradonačelnika.

Član 6.

Zahtjev sa pratećom dokumentacijom (original ili ovjerena kopija) može se podnijeti najkasnije 45 dana od dana rođenja djeteta. Izuzev za djecu rođenu u januaru i februaru za koje se koji zahtjev podnosi u roku od 15 dana od dana objave Javnog poziva na web stranici Grada Zenica.

Član 7.

Ovaj Pravilnik stupa na snagu narednog dana od dana objavljivanja na službenoj stranici i oglasnoj ploči Grada Zenica i primjenjuje se za 2021. godinu.

Broj: 02-31-4027/21-1

Zenica, 03.03.2021. godine



GRADONAČELNIK

Fuad Kasumović

F.K.